

行間餘事

少圃持贈



832273

大潛山房
詩鈔



同治七年歲次
戊辰八月鐫板

山谷學杜公七律專以單行之氣運於偶句之中東坡學太白則以長古之氣運於律句之中樊川七律亦有一種單行稟姚之氣余嘗謂小杜蘇黃皆豪士而有俠客之風者 省三所爲七律亦往往以單行之氣差於牧之爲近蓋得之天事者多若能就斯塗而益闢之參以山谷之倔彊而去其生澀雖不足以悅時目然固詩中不可不歷之境也 省三用兵亦能橫厲捷出不主故常二十從戎三十而擁疆寄聲施爛然爲時名將惟所向有功未遭挫折蔑視此虜之意多臨事而懼之念少若加以悚惕戒慎豪俠而具斂退氣象尤可貴耳余

大潛山房詩鈔

序

覽其詩卷既畢因題數語以勸勉之

同治五年十一月曾國藩書于周家口軍次

大潛山房詩鈔

合肥

劉銘傳

省三

淮上送李少軒觀察歸里

碧草迷南浦春風送客舟
驪歌唱三疊別酒醉千甌
淮上一揮手瀟湘依舊遊
風塵須鄭重道路費勾畱
既涉洞庭水擬登黃鶴樓
有詩先寄我無恨莫生愁
此去難爲別離君孰是儔
君歸我亦返不願覓封侯

題風雨窮途圖

午夜衝寒喚渡河
滿天風雨悵如何
一身落落誰知己
四顧茫茫且放歌
豈是蘆中人未識
恐教髀裏肉生多

大潛山房詩鈔

畫工似有規儂意
不寫逍遙寫折磨

遣懷

自從家破苦奔波
嬾向人前喚奈何
名士無妨茅屋小
英雄總是布衣多
爲嫌仕宦無肝膽
不慣逢迎受折磨
饑有糗糧寒有帛
草廬安臥且高歌

文章歌

盛朝修文不用武
大地人人歌樂土
千家萬戶重讀書
只學文章不學古
學古無所益文章能進取
人生總角百無知
父兄教之讀八股
年年日日苦哦吟
籠袖憑几歲月深
幸有明師傳真訣
清詞妙句爲時欽
自矜手筆

如燕許足堪振翼步雲程孰料文章憎命達一戰再戰
榜無名落第歸來怒焚卷懷才不試安貧賤隱身山谷
與世違功名從此無心念朝朝採藥亦悠然頻年又復
遭時變無端烽火漫天來骨肉流離不相見飄零無處
寄此身生成微骨不依人天涯走徧無知己滿腹文章
志不伸吁嗟乎讀書萬卷無所成文章兩字誤蒼生此
身已受文章病莫把文章病子孫

重九後史松園來訪阻雨夜坐各口占一律卽步

松園韻

天意畱君住蕭蕭雨滿岑陰晴無定局得失願同心燈

大潛山房詩鈔

二

火三更靜烽煙萬里深明朝雲霧散紅日掛山林

元旦作

爆竹一聲聲新符祝太平羽書應罷息棊局漸分明春
色山河壯天時歲月更山居過令節依舊走征塵

應募入皖辭家曉行

拜別親朋去故關舉家相送淚潸潸從戎氣壯晨趨馬
破曉雲開鳥出山人值少年當自立身逢亂世敢偷閒
中興將帥堪平寇我待功成定早還

樓頭玩月偶成

日落夜朦朧霞烘夕照紅坐當風緊處人在月明中城

小呼更急天清起籟空倚樓頻四顧高唱大江東

贈楊藝芳觀察

皖水識荊州經年作伴遊三生遇同志百戰爲封侯魯
酒同謀醉吳江共泛舟此心勤報國相視寇如仇

上海軍次中丞接篆日

半壁皆烽火江南不見春離家三四月航海八千人才
繫蒼生望身承寵命新英雄有抱負舉止自天真

病中偶作

長夏披襟臥短牀病中心事感茫茫醫家抱憾無眞藥
客路懷思是故鄉惟望三吳停羽檄好將一劍付兒郎

大潛山房詩鈔

三

此身閒散無羈束不作詩狂作酒狂

崑山道中

山光隱隱水悠悠戰罷閒乘畫舫遊方避大潮無險惡
爲尋前路費勾留三年烽火千家淚滿地干戈一葉舟
兒女深情消不盡長歌一曲遣風流

堰橋送子璧歸里

秋風蕭瑟雨滿天千里歸心留不得歡愁已盡昨宵言
丁寧莫負明年約輕舟掛起一帆行兩袖難禁雙淚落
古今惟有別離難况是客中人送客

步季荃統領原韻

自從仗劍賦隨征所向頻聞唱凱聲
狂寇無端暴赤子
斯人怎肯負蒼生
詩成元白垂詞翰
畫上丹青表姓名
我望君家功早定
布衣歸去話時清

寶堰軍次夜占

百戰軍書息龍泉
不滅光折磨身漸弱
風雨夜生涼
漏轉敲更急
心閒入夢長
依稀一燈影
誰與話聯牀

送刁曉蘭歸里

曉蘭無子歸攜一妾作此勉之

故人別我去
涕淚兩潸然
路隔一千里
君生四十年
此身須鄭重
有子賴成全
江上暫揮手
相逢訂有天

小船

大潛山房詩鈔

四

扁扁一葉舟
茫茫大江水
縱有惡風波
來去任情使
來去能自由
險危何所恃
生小江湖慣
縱橫波濤裏
不問潮起落
先自定行止

六月望後往剿金陵舟抵口岸忽聞捷音當於月

下贈張友蘭

廣寒捧出一輪月
照得山河千里白
茫茫江水古今流
登舟我與君
皆客君來此
間訪故人
我復尋君話
寂寞一日離君
如有失
一旦逢君
何其樂
隔江羽檄忽飛來
五更潮起催離別
揮手孳孳不盡言
丁甯莫負秦淮約
秦淮美景舊何如
無端變作豺狼穴
男兒壯志在四方

所向當能消瘴孽橫戈勒馬走吳山年來擒斬皆名賊
戰罷東南不息兵軍書追令來西北霹靂一聲撼大都
四海爭傳去元惡

天子聞捷喜不禁中原從此烽煙絕武夫解甲告歸田
也到西湖閒放鶴自知野性不宜官由人繪像凌煙閣
知我一生惟有君請君與我同採藥入山頓與世情違
利鎖名繯俱解脫狂歌痛飲樂天年何須更覓長生訣
將攻廣德常州李春生太守投詩贈行卽步原韻

奉答

幾年烽火亂離深棠樹新栽感受陰天特生才爲濟世

大潛山房詩鈔

五

我無壯志起歸心大都已有笏人復元惡何須獨手擒
此去宣州相隔遠魚鴻有便報佳音

休將別意比東流客路離君孰是儔豈僅謫仙能識郭
堪欣百藥亦知劉十年戎馬風塵瘁百戰澄清志願酬
揮手臨歧無所囑勉畱政績在江頭

寄刁畹蘭

別後無音問鄉書逐細詢眼前皆往事目下更何人行
止不如願功名困此身秋來作歸計解甲洗征塵

送振軒征吳興

捧檄賦長征軍期敢怠行故人分兩地揮手有同情客

路悲離別沙場共死生待君平越後湖上話澄清

建平秋晚

落日起暮煙紅霞橫遠曙久雨陰初晴閒雲歸何處大地息烽煙荒城少黎庶盜賊無遠謀幾曾成割據

偶作

解甲還鄉去入山種翠薇何須老大返依舊少年歸朋輩疎音問官場任是非此身欲閒散故與宦情違

久雨中秋晚晴

不期久雨晚來晴掃盡煙雲見太清秋色莫如今夜好月光總是故鄉明一燈詩酒增懷感幾日蕭疎洗甲兵

大潛山房詩鈔

六

舉目山河無掩蔽皖南風景客中情

玩月

涼夜望無邊當頭一輪月方從海上生皎皎橫空碧秋風捲浮雲不許滓清白光明照我心我心相與潔古有所桂人今猶在蟾窟春來秋去多曾否成白髮天高事渺茫世人終忽忽七寶共修成何以圓復缺獨酌對團圓

圖舉杯問真訣

題吳春海太史歲寒登岱圖

隱隱岱山巔登臨一渺然征途起遊興風骨傲寒天志趣超前輩文章達少年行當作霖雨豈特慕高騫

寄刁峴蘭

絃斷傷情日東來未有期十年同患難兩地各懷思
夢裏長相見天涯遠寄詩家居何事樂告與成人知

自君離別後落落少同儔寄語伸前約懷人悵晚秋
關山千里路風雨一燈愁不遂歸家願思歸亦倦遊

贈蓋臣子務歸里

百戰澄清衣錦還征途揮手淚潸潸傾囊各贈千金去
只濟人艱莫買山

和子務諸君重九登高賦詩卽用原韻

柳營詩社是誰開爭去登高寫捷才下馬狂歌紅葉處
大潛山房詩鈔

七

一聲長嘯白雲來歸時頭上插花滿酒盡人多擊鉢催
更有苦吟吟不就山頭悵望獨徘徊

贈馬

良驥肝腸熱頻年相與行原無千里疾所向大功成百
戰同艱險長驅託死生雄姿人共識黑白兩分明

秋曉

烏啼大夢驚一軍笳鼓歇門外白茫茫是霜疑是月

聞曲

琵琶音最巧解說別離難多少傷情事曲中和淚彈

其二

悠悠曲未終滴淚滿衫中不僅別離恨繁華轉眼空

有感

不幸入官場奔勞日日忙何曾真富貴依舊布衣裳負
性無謙假宜人說短長莫如歸去好詩酒任疎狂

詠狼山署中送來菊花

西風簾捲正徘徊千里傳書送菊來吩咐小童勤灌溉
好畱晚節占花魁

惆悵重陽未賞新忽從江上出煙塵風霜不折孤高氣
人比黃花花勝人

不寐

大潛山房詩鈔

八

笳鼓聲聲急秋深覺夜長五更難入夢多病欲還鄉漏
永燈無焰窗明月有光人眠我獨醒何事費思量

征雁

一聲征雁出雲端萬里長空秋氣寒遠塞來時不容易
明年歸路更艱難仰看結陣飛何處欲寄相思到故關
南去有人同悵望敢煩傳語報平安

無錫道中

滿地烽煙百戰收輕舟來去任情遊青鞋布襪無官氣
一樣同人在酒樓

贈蒯蔗農觀簪

流俗好逢迎斯人直道行純眞爲世重坦易見心平朋
輩皆親厚語言總至誠此身無嗜好依舊老書生

其二

戎馬倥偬際勞人敢宴安別君情悵悵揮手淚漫漫干
里關河隔一行書信難臨行無所贈寒日勉加餐

別江南

東南半壁寇亂生多少官軍戰不平李侯捧檄渡江去
八千子弟賦從征我亦仗劍隨長往三年血戰大功成
驛使往來傳捷報大江南北俱澄清

天子行詔賞優隆父老歡聲頌厥功軍中歌饒洗兵甲

大潛山房詩鈔

九

武人衣錦不衣戎江南景象重興起山水明麗鳥聲喜
此身閒散可縱遊羽檄忽來催去矣來時白骨堆塵土
去時樓臺聽歌舞同儔相送涕淚多別離情難征戰苦
白雲一路護行舟黃葉千家唱晚秋東風昨夜波濤急
爲送征人返故邱方興美景未遊賞名花勝境空遺想
何時解甲離沙場輕舟江上重來往

登焦山寺

焦山古名勝雲水望重重風雨來孤楫煙波護一峰還
鄉思隱退對景關心胸有此託身處何須萬戶封

其二

廟在孤峰下，茫茫煙水中。我非佳客至，禪是老僧通。潮起江流闊，雲歸山不空。繫舟一遊覽，返棹去怱怱。

贈別振軒

淮南羽檄忽飄馳，流寇縱橫命出師。昔日戰爭同患難，故鄉父老識旌旗。一軍航海成功早，千里辭君繞道遲。揮手掛帆過江去，關河迢遞各相思。

甲子科余過金陵值諸生入場

離亂至今無考試，文章自古重科名。斯人造福開賢路，霖雨何時洗甲兵。烽火十年成浩劫，王師百戰克堅城。我逢盛會經過此，堪爲中興頌太平。

大潛山房詩鈔

十

輪船

不藉風潮力，橫行自往還。轉輪千百里，回首萬重山。放蕩江湖裏，飛騰波浪間。欲乘渡滄海，借以出塵寰。

懷人

原因福薄功名澹，只爲情深涕淚多。東望大江千百里，懷人不禁放悲歌。

無爲道中答張小亭

大江千里白漫漫，風雪歸來一棹寒。感我戰征長作客，聞君高雅不求官。平居肯以詩書重，久隱應知世事難。昨過橫渠未相識，回思勒馬悵盤桓。

其二

年來仗劍走江湖，勞頓風塵未改途。
多病無心貪厚祿，還鄉有意步高衢。
師行皖北千家望，春到江南萬物蘇。
如果大才肯濟世，雲程平坦不崎嶇。

廬江道中

青年作客喜歸還，車馬紛紛入故關。
行到近鄉無幾路，從人指點望家山。

馬前父老拜紛紛，爭把壺漿供大軍。
昔日江湖曾落魄，吹簫時節幾人聞。

甲子冬以師行還家夜中偶作

大潛山房詩鈔

十一

翦燭西窗夜話時，曠談不覺夜眠遲。
堂前燈火聽兒讀，枕上吟哦教妾詩。
風雪一家團骨肉，干戈何處望旌旗。
中興愧我無功績，且幸還鄉慰別離。

出門

久客得歸家山居，樂雜黍忽傳羽檄來。
催促出門去，臨行別妻孥相看無一語。
稚兒放聲哭，牽衣問行所。
昔歲征吳越，今當入秦楚。
壯士既從軍，此身長羈旅。
別離情實傷，軍檄書難拒。
願兒早長成一劍，付與汝。

雪夜

玉龍方戰罷，雪月兩交繁。
心靜無春夢，天寒有鶴聲。
懷

人千里隔照我一燈明秦塞風煙緊終勞賦遠征

其二

大雪苦寒夜短牀高臥時早春歸雁緩斜月到門遲纔得還鄉里又將遠別離辭官未有術翻恨受人知

淮河晚泊

淮上烽煙淨重遊識路程淺灘舟泊處徹夜水流聲風浪今無險漁燈漸有明昔年經過此盜賊正縱橫

和刁晚蘭病馬歌

廡下有病馬長行不忍騎或有人告我不騎將何爲馬原奔走命生當亂離時旣與成大功豈可遽別離崔巍縱難上閒散亦不宜平原放春草顧影無雄姿失主不哀訴念羣轉悲嘶惠養之人日日憂良驥其奈受病不服醫口云舍去心不忍百戰功成皆賴之

喜見樂山觀簷

與君離別久相見兩殷殷問訊先含涕征鴻未失羣三生逢故舊百戰共辛勤千里來歡聚依依不忍分

得楊藝芳信卻寄

經歲無消息音問兩不知得書如與見握手更何時馬上風塵隔天涯慰問遲望雲一灑淚千里寄相思

移師渡淮贈別六安諸友

一聲吹角催分手千里征途去故鄉但願親朋勤慰問
不煩父老獻壺漿勞人念念關情處楊柳依依古道旁
我向諸君長揖別臨歧涕淚滿衣裳

過泗州借住釋迦寺偶作兼贈聚一上人

夢中曾被仙人詔怪我如何不出家兩眼尚包兒女淚
此生自識果緣差覽遊禪寺思身隱流落風塵念物華
心事茫茫何所寄大江東望浪淘沙
豈勞修鍊纔成佛若得清閒卽是仙如我長征無息處
攪君徹夜不安眠未辭辛苦行千里且欲畱連住一天
願待澄清放歸隱好來方丈結禪緣

大潛山房詩鈔

十三

睢寧途次聞擒匪渡汶河

大軍未出江南境流寇先過汶上河馬力縱強追莫及
王師欲克在相和將能謀算非徒勇兵若精奇不用多
江海塵氛俱掃蕩羞看池水起風波

寄賀振軒到淮徐道篆

書生佩印擁金羈脫去戎衣著錦衣兄弟一門分節鉞
淮徐百姓望旌旗榮名厚祿何爲重解甲投戈實慰思
明日官僚迎道左問民疾苦下車時

答彭禹卿十二韻

一月未作詩閒情無所託偶翻案頭書得君賜我作筆

健語意真句古才思博君當學冠時我年正稚弱先後
共塾師知君貧而樂竈頭斷薪糧心中殊廓落不以窮
困憂唵哦終自若世變我從戎君亦入戎幕皖中未相
逢江南復離索去歲遇吳門相訂今年約君來匡我成
籌畫資方略同濟亂時艱共入凌煙閣

寄劉湘笙

送君歸時君欲哭不放君歸君更哭我今惆悵思故人
君已歡然團骨肉我自君歸懶作詩作詩無人爲賞錄
秋風起時望君來丈夫莫爲閨情束

路奠故僧親王

大潛山房詩鈔

十四

遠道馳驅應 詔來中興始定棟梁摧當途恭候迎歸
櫬捧酒專誠奠一杯披甲十年征戰苦蓋棺千里哭聲
哀鄉城士庶爭相祭都說王賢將不才

濟甯軍次夜占

枕簟夜生涼樓高風雨狂電飛光入壁睡覺夢還鄉途
路行千里家書無一行我來鎮東魯豈許寇披猖

感成

武夫如犬馬驅使總由人我幸依賢帥天心重老臣上
官存厚道偏將肯忘身 國事同家事誰看一樣真

由濟甯回師徐州途中作

盜賊縱橫敢宴安征途驅馬路漫漫渡淮更覺風塵苦
放眼深愁世事難勞我奔馳追悍逆望人振拔挽狂瀾
師回東魯千家悵父老攀轅饋午餐

曉行

茅店聞雞夢始驚深宵睡起賦長征五更不辨旌旗色
一路惟聽車馬聲戰伐未曾殲巨逆奔馳誰爲定前程
無家士卒何依念俱喜南歸不怠行

道經沛縣

沛公關達真豪傑四百年過今若何關內曾更秦法律
眼前不見漢山河鄉城禦寇兵防緊老大還家感慨多

大潛山房詩鈔

十五

莫謂高皇情太薄晚年猶唱大風歌

雲龍山中贈張海珂軍門

軍中連接南歸檄喜到雲龍結伴遊我好罵人人恨否
君將放鶴鶴亭畱相逢在此應前定握別何時不自由
戎馬馳驅難遇合盡歡宜醉酒千甌

放鶴亭

不知放鶴人何去此地猶餘放鶴亭風雨庭臺誰管領
亂離景象盡凋零山雖低小羣峰護路近巖峩百物靈
四壁勒書皆健筆武夫才斗不堪銘

寫家書

遲迴落筆寫無辭前路如何自不知欲達風塵勞苦狀
恐教兒女動悲思

軍中夜夜枕戈眠寢食難安亦自憐任怨任勞無別望
澄清時節好歸田

送金太守鐵珊入都

風雨連宵睡起遲曉來牀上坐披衣初傳客到情殊嬾
忽報君來樂不支舊日雄談全未減高人狂態尚如斯
故交相見宜長聚何必怱怱話別離

客路逢秋雨滿天故人一見兩歡然行程往返三千里
別後睽違五六年才大君應思報國寇平我已望歸

大潛山房詩鈔

十六

田入都朋友如相問只說寒蟬不足傳

偶作

三十人爲一品官多人憎忌少人歡舊交朋友親疎見
新結鄰封應答難好管是非生性直不憂得失此心寬
風塵勞苦無休息憔悴形容羞自看

宿州道中

冒暑赴濠梁行艱路覺長馳驅勞僕馬塵土滿衣裳北
去今還轡南看復近鄉身慵何處息大樹有陰涼

舟過雒河答王君兼周軍門

都說參謀善臨兵屢出奇幕中操勝算濠上見王師

詩句君成早援軍我到遲行年近六十老益有才思

其二

一戰重圍解聲威到處聞營開新幕府計出老參軍顧
曲遺佳話登樓賦雅文名儒與名將報國總殷勤

亳州秋晚

落日暮鴉聲秋光無限情旌旗翻夕照烽火近荒城到
處民思治中原寇未平我心圖滅賊志不在功名

過亳州贈子佩刺史

瘡痍滿地有誰憐黎庶爭傳刺史賢喜我故人據昔抱
與君知已是前緣淝西一面情殊厚淮上孤軍守獨堅

大潛山房詩鈔

闊別數年今握手風塵駐馬且畱連

暑退涼生歲月更秋風秋雨故鄉情我來好友應同醉
賊去遺黎復畏兵結客吐談多慷慨爲官政治獨廉明
大才百里殊堪惜所幸人民有頌聲

告歸

中原欣且定解甲覓歸途去就不關繫功名若有無折
磨消壯志憔悴剩微軀恐負軍民望還鄉退守愚

三十自壽

年當半甲子壯志漸消磨心裏身長健閒時病轉多登
壇無偉略對酒且高歌歲月來殊速人生奈老何

生日強病見客

壯年敢云壽相與賀平安客至恭迎見人扶笻拜難受
恩期報 主擁眾愧登壇抱病逢生日移愁強自歡

病中

病裏心煩躁思安厭客來身閒由僕嬾風緊怕窗開日
睡眠三覺朝銜藥一杯乞歸文早去不見答書回

軍次偶見閒雲暮鴉感成二首

一片浮雲淡影微無端湊合雨霏霏秋風吹散閒飄蕩
何不歸山共鳥飛

結陣寒鴉噪夕暉曉來同出晚同歸得棲大樹窠巢穩

大潛山房詩鈔

六

不肯衝煙向遠飛

秋夜聞笛

羌笛夜聲聲吹墮相思淚清韻入雲霄哀音動天地斜
月雁高飛挑燈人不寐萬慮一時空此心何所寄

向鄰園借花數盆

不見黃四孃何來花滿堂既承邀共賞敢望惠餘香慊
慨人難得凋殘價倍償呼奴遷過壁風雨善珍藏

陳州防次

盜賊東西流士卒奔馳久陳州中原地息兵且防守軍
中消閒事只有詩棋酒一日不相離三者是吾友客兵

遠道來鄰封交不厚官場賤武夫公事多掣肘我生性
不羈欺侮亦甘受濟世重經綸自慚無抱負日誠甲冑
士努力滅羣醜一朝洗甲兵還鄉爲田叟但願世長清
敢求名不朽高官足榮貴身後何所有李廣若封侯至
今猶在否

郊行

郊行二三里四望皆村莊秋收禾黍盡露冷林葉黃馬
前一老叟獨在田間忙舉頭見行騎走避殊倉皇我行
少僕從我佩無刀槍何以農父避呼前問其詳農父荷
鋤語戰慄立道旁今夏賊去後大兵過此鄉賊至俱先

大潛山房詩鈔

十九

備兵來未及防村內擄衣物村外牽牛羊人多不敢阻
勢凶如虎狼老妻受驚死一子復斫傷骨斷不能起至
今猶在牀暮年寡生計空室無斗糧所幸此身健勉力
事田桑近凡見兵馬畏怯故走藏我聞殊太息攬轡思
徬徨問彼統兵者曾否有肝腸滅賊自爲賊何顏答上
蒼

戰歸

間道行兵計出奇得教流寇見王師旌旗影變風雲
色盜賊頭懸生死時戰罷大刀餘殺氣令嚴萬馬不驕
嘶三軍氣壯勞無厭遠役歸來力未疲

戰勝歸來解甲時
臨窗高誦舊題詩
形容更比從前瘦
鞍馬方舒積日疲
士卒向人誇捷狀
黎民拱手服雄師
一朝掃盡殘烽燧
好報南中兩帥知

得家書

千里睽違音問難
家書到眼不禁歡
更欣稚子方教讀
已解書名請父安

重陽前三日作

已近重陽節滿城
風雨聲菊花漸開放
天氣半陰晴
人為登高計愁因作客生
秋來無別趣詩興覺縱橫

九日

大潛山房詩鈔

手

秋光四望斷煙塵
雨後登高天氣新
歎息干戈未甯靜
眼前不見插花人

懷蒯蔗農觀簪

故交睽隔久音問
杳難通書到知何日
心長念此公懷
人風雨夜握手夢魂中
萬里皆秋色相思兩地同

其二

路隔三千里東流
一棹通故人時眷眷戎馬日
恩恩淡
世儒生度布衣長者風
記君無俗氣不與眾官同

五更

刁斗催殘夜五更
客睡長聞雞醒夢寐擊鼓變陰陽
帳

外懸秋月門前下曉霜驚心無別事早起赴操場

贈別吳摯甫

龍眠有佳士鄉里素聞知筆戰連三捷文聲冠一時少年科第早遠道返來遲萍水得相聚恩恩話別離

其二

風塵離別後把晤杳難期狂寇行無忌蒼生疾望醫既懷匡世策莫負少年時此去各相念音書不可遲

題喬中丞舍館投讀圖

名臣佐中興濟世多仁術天因社稷生人爲蒼生出中丞方幼時童子無儔匹能語卽能文英奇如李泌賢哉

大潛山房詩鈔

三

太夫人寶愛美資質舍館教讀書攜抱不離膝讀書盡五經公年方六七一目過十行義理俱精悉少年科第成一時名譽溢文章著海內風雨驚神筆除官到江南殷勤報 王室朝野仰賢聲 恩榮特超軼江淮布霖雨立去瘡痍疾軍書劾午時不怠庭訓日追思爲圖畫遙蒙寄著述浣手謹拜題寡陋盡眞率

望中感舊

憑高南望路悠悠何處雲山是故邱天氣近來秋景暮賊氛遠去市人稠渡江已走三千里禦寇非徒十二州回憶舊年當此日姑蘇城外泛扁舟

酬馮魯川觀答賜來篆書

中原道路飛塵氛，朋儕遠隔少音聞。秋雨初晴無客至，忽傳夜到陸參軍。參軍手執一幅字，瘦硬通神多古意。百金一字不可得，何幸特蒙君垂賜。君賜篆章并賜文，支字兩絕驚風雲。呼朋命酒同來賞，滿座相向皆歡欣。回憶壽春見君時，與君暢飲酒千卮。君飲愈多愈豪放，我飲酣醉不可支。別後與君曾一面，至今睽隔杳難見。思君報君遠寄詩，願君莫笑武夫賤。

汝陽道中感事

南看興愁北顧憂，茫茫浩劫幾時收。中原未定邊陲警，

大潯山房詩鈔

三

大地難防盜賊流，謀國已蒼元老鬢。荷戈漸白少年頭，畿疆保障無僧邨。猶望樞臣早運籌。

除夕馬鄉寺題壁

古寺逢除歲，勞人正遠行。一年僅此日，萬里是前程。題壁畱鴻爪，呼僧問法名。鄉村兵燹後，爆竹尚聲聲。

畱別李帽生觀磐

師次彭城偶息肩，欣逢豪士共畱連。論交痛飲樽中酒，

憂世長談海外天。此去不忘朋友厚，兩來俱值主人賢。

去年過徐適振軒受官於此 旌旗欲上南征路，揮手孳孳淚滿前。

驅馬中原戰不休，風塵何幸識名流。思歸豈僅功名淡，

暢飲原因性氣投子季疏狂誰獨鑒平泉才望邁同儔
爲歌一曲舒離恨敢與詩人說唱酬

確山途中答錢子密

淮上初逢如舊識幾回握手便傾心知交偶聚三生幸
流寇何時一戰擒遊子竟爲長路困高人不受外塵侵
征途勞頓無須問若有餘閒且唱吟

其二

恩恩話別卽分襟承贈新詩馬上吟我愧持兵無偉略
君應濟世作甘霖昨來已走三程路前去猶懷萬里心
敢望還鄉隨露布寇平方不負知音

大潛山房詩鈔

三

申陽軍次贈蒯士薌觀簪

涕淚滿衫新折將元夕之戰馳驅一路舊征程干戈未
遂澄清願賜顧頻沾朋友情客至偏投陳傅室賊來不
犯寇公城豫南春到千山綠入境聞牌是政聲

其二

君年長我年三十六十人如未老人僚屬爭承新教化
勤勞不減舊精神榮華壽考宜前定經濟文章自寫真
慚愧武夫蒙接待相逢相識便相親

題蒯士薌觀簪倚馬草檄圖

承平二百年一旦起烽煙將帥知兵少官民無力全蒯

公爲刺史赤手握兵權淮蔡皆強寇旌旗屢破堅報功
擒巨逆倚馬寫長篇名譽當時重頭銜不次遷月傳三
捷際事在十年前圖繪匡時績史垂冠世賢中原正多
難節鉞望君專

題慧空和尚遊春圖

桃花如錦草如茵一杖逍遙物外身春色萬山誰領略
神仙多半出家人

其二

踏青攜伴到雲岑繞澗穿林緩步尋山水多情常供佛
不教春色動禪心

大潛山房詩鈔

三五

贈別韓賡揚軍門

余於春初假歸故里適直東復有賊警賡揚仰
體帥意來勸出山余以病辭臨別贈此

往還奔走三千里一片忠君愛友心圖報自知無力
量愚庸豈敢負規箴人逢知己難爲別話到開誠最可
欽免死韓盧宜困憊寄言不必再招尋

贈張朗齋軍門

久耳威名未相識淮西一面便傾心年來睽隔偏難遇
別後勛勞更可欽氣蓋萬人輕巨寇腰橫寶劍出儒林
冠時將略兼文武滿地瘡痍望作霖

贈宋祝三軍門

踏遍中原路將軍報國忠旌旗收劫運父老識元戎戰
苦功方著身勞氣益充同時諸將領純謹孰如公

其二

星使能平寇推功薦武臣上遷新 寵詔後去竟傳人
同事無猜忌論交見假真明朝將與別珍重百年身

贈郭子美軍門

中興將略數誰雄三十登壇建大功萬里馳驅征伐處
幾回波浪死生中汾陽事業原宜載子季疎狂未可風
百戰沙場同患難惟君與我最交融

大潛山房詩鈔

五

送子美歸湖南

南雁孤飛入楚天北風吹送洞庭船相離相隔三千里
同死同生六七年回首戰場都是淚知心朋輩幾人全
客中言別難爲別揮手依依各黯然

贈黃昌岐軍門

謀定平吳策樓船鼓棹東旌旗先破敵江海任飛蓬百
戰艱難際一身波浪中起家人力瘁持節 主恩隆諸
將如師事丹心報 國忠武夫誰不賤僕射大臣風

类别	
册数	1
售价	1.00



